



Daifim

An Official Organ of YMA, Khuangpuilam Branch.

YMA MOTTO



Hunawl hman that
Zofate hmasawwna ngaihtuah
Kristian nundan tha ngaihsan

Khawchin : Source - Accuweather.com



Khua a that rin a ni.
Temp - Max: 19°C Min: 10°C
Dar 6:03-ah ni a chhuak ang a,
Tlai Dar 5:00-ah a tla leh ang.

Vol - VI Issue No. - 1

- Pawlkut Thla -

26th January, 2020 (Pathianni)

Tunkar chang vaww : Jakoba 1:5

"In zingah tu pawhin finna a tlakchham chuan, mi zawng zawng hnêna hau lova phal taka pe thintu Pathian chu dil rawh se, pek a ni ang."

Lawmthu Sawina

Ni 18 January, 2020 (Inrin-ni) khan Khuangpuilam Branch YMA chuan hnatlang pawimawh tak a ko a. He hnatlang a thawkchhuak zawng zawngte chungah Branch YMA chuan lawmthu a sawi tak meuh meuh a ni.

Tin, hnatlang thingpui lumna tur min petute chungah leh phal taka hmanrua min hmantirtute chungah leh a thlawna thing min zaisaktute zawng zawng chungah Branch YMA chuan lawmthu a sawi tak meuh meuh baw a ni.

Sd/-
Secretary
KPL Br. YMA



Kan then tak

Pu Lalzamlia (Zampaia), chuan ni 12 January, 2020 (Pathianni) khan chatuan ram min pansan a. Pu Zampaia hi khawtlang tan pawha mi inphal leh a theih ang tawka thawk ve thin a ni a, kan uin kan ngai tak zet a ni.

A kalsan tak a nupui fanau, a laina zawng zawngte'n Pathian awmpuina leh thlamuanna an dawn kan duhsak tak zet a ni.

Daifim free

Kum a thar angin Daifim pawh enkawltu tharin an enkawl tawh dawn a. La thar duh emaw lak chhunzawm tum tawhlo chuan a semtute hnenah lo inhriattir nise a duhawm hle ang.

Hruaitu hluite'n ruahmanna an neih angin tun issue hi a **free** a sem a ni a. Chumi pah chuan Daifim la turte rawn zawngin, a la duh turte chuan thla khatah ₹ 15/- chawia lak theih a ni.

Chutih rualin, nangmahni sum thawkhawm ringa chanchinbu hi kal thei ve naw naw a ni tih hria a, a man pek lamah pawh thahnemngai turin kan inngen nghal baw a ni.

BEC Thukhawm

Thlan tharten pha, Inthlanna nei leh dawn

Dated Khuangpuilam, the 26th January, 2020 (Pathianni) :

Ni 17 January, '20 (Zirtawpni) khan Kum 2020 chhunga Khuangpuilam Branch YMA Executive Committee (BEC) chuan rorel thutkhawm vaw 1-na, BNRGSK Hall-ah an nei a. He rorel thutkhawm hi Branch President Pu HD Daniala'n kaihruiin, committee pawimawhna te a sawi hnuah Branch Adviser Pu Lalhluna'n Pathian hnena jawngtaia committe a hlan a ni.

Ziaktu hnen atangin report ngaihtlak a ni a. Branch Adviser Pu Robert Vanlalhrui, VCP-in kuang hunna tur min pein; MLA fund Work Agency kan nihna avanga ₹ 5,000/- kan dawng a. Tin, Branch bungrua dahna in tur hmun neih thar niin, hma lak nghal a ngaih avanga JCB-a a hmun laih nghal a nih thu ngaihtlak a ni baw. Bungraw dahna in neih hmaa lo dah lailawkna turin Pi Zomawii'n (Pu Vanlalsiamia (L) nupui) a in, Sport office panna kawnga awm chu February thla thlenga luah hawh min phalsak thu ngaihtlak a ni.

Thurel kan hriattur tlangpui te :

1. Kum 2020 chhungin section 3-a then leh tha tih a ni a. Inthlanna hmun leh hun, inthlanpuitute ruat a ni. (Hei hi tihlawhtlin tawh a ni a. Report phek 2-naah dah a ni.)

Section budget atan ₹ 3,000/- tuk a ni a. Branch represent tur hetiang hian ruat a ni.

Chawngbawla section : Pu HD Daniala, President

Pu Lalnunhlua, Assistant Secretary

Vanapa section : Pu Lalremsiamia Varte, Secretary

Pu Rotlingpui, Finance Secretary

Khuangchera section : Pu S. Lalthangliana, Vice-President

Pu David Lalrosanga, Treasurer

2. Branch YMA tihchak nan Sub-Committee din tha tih a ni a. Hetiang hian Sub-Committee hrang hrang leh hruaitu turte ruat an ni.

1) FLS Sub-Committee : Chairman : Pu David Lalrosanga
Secretary : Pu PC Ramluahthanga

2) Thlanmual Sub-Committee : Chairman : Pu F. Lalnunhlua
Secretary : Pu C. Vanlalruatkima

3) Daifim Editorial Board : Represent : Pu Rotlingpui
Editor : Pu Ricky MS Dawngzela
Treasurer : Nl. Florence Zoremsangi

4) Property Sub-Committee : Chairman : Pu S. Lalthangliana
Secretary : Pu HD Vanlalhrui

5) Kumpuan Sub-Committee : Chairman : Pu Lalremsiamia Varte
Secretary : Pu F. Lalbiaksanga

Heng hruaitu ruatchhuahte hian an thawhpui tur committee member turte ruatin, Branch-ah report leh tur a ni.

3. Kum 2020 chhung atan member lak leh tur a ni a. Member pakhat (1) zelah Member ship fee atan ₹ 5/- leh Endowment Fund atan ₹ 5/- khawn tur a ni ang a. Tin, tlangau hlawn, VC-in a tuk zat ₹ 50/- in tinah khawn baw tur a ni.

Section hruaitute'n lo khawnin February thla ral hmaa Branch Finance Secretary hnena thehluat hman vek tura beisei an ni.

4. Chhiatni Fund ₹ 300/- aia tlem lo chhungkaw khat atan tuk a ni a. Branch hruaitute'n lo khawnin March thla ral hma a Branch Finance Secretary hnena thehluat hman vek tura beisei an ni.

5. Kum 2020 branch hruaitute leh Section (☞ Phek 3-na)

YMA chu tanpui ngaite tanpuitu a ni. – YMA Kumpuan : Zirna uar

Editorial Board :
Editor: Pu Ricky MS Dawngzela
Jt. Editor : Pu Lalsiamkima
Treasurer: Nl. Florence Zoremsangi
Cir.Manager : Tv. Samuel Lalpekhlua
Contact No: 9862501858 / 9612691291
9612761781 / 7005494983

FLS Station - 9612566886
Chawngbawla Section
 Leader : Pu F. Lalbiaksanga
 96121 55162
 Secretary : Tv. R. Lalnuntluanga
 82599 60032
Vanapa Section
 Leader : Pu Lalchuaailova
 87300 99599
 Secretary : Tv. Lallawmzuala
 87875 41803
Khuangchera Section
 Leader : Pu Lalramzaau
 76408 95924
 Secretary : Pu Zachungnunga Hrahse
 76299 69989

Editorial.....✍

Kum 2020 Khuangpuilam Branch YMA chuan tun kum chhunga hmalak dan tur chi hrang hrangte an duang chhuak leh ta a. Tin, hmabak lian tak YMA bungraw dahna In tur sa turin a inbuatsaih mek baw a ni.

Hengah hian chanvo hrang hrang chelhtute mai nilo; branch member zawng zawngte’n kan mawhpurhna leh kan koa tla a ni tih hriaa kan theihna zawn zawna kan veng leh kan khawtlang thatna turah tha kan thawh liam liam a pawimaroh hle dawn a ni.

Thilmak deuh leh kan thiam em em; mahse, zawngchhang atana tha miah silo chu, khawtlang leh kohhrana chanvo neitute tih tur leh aawmdan tur hi chu kan hriain kan sawi zuah zuah thei a. A tu a te pawh hian midang mawhpurhna hi kan hmehbelsak thiam em em a; mahse, kan hriat loh leh kan ngaihtuah duh loh chu, midang tih tur leh aawmdan tur kan sawi zawng zawngte pawh hi ka tih tur ve tho a ni tih hi!

Midanghnathawh thawmhnaw haktir mai lovin keimahni ngei pawn chu thawmhnaw chu kan inbel ngam a pawimaroh khatp mai. Aawmdan tur tha leh mawi midang kan bel thin hi keimahni ngei kan inhmehbel hunah chuan khawtlangin hma a sawn ang a, chuchuan chhungkua, kohhran leh ram hmasawonna a thlen mai dawn a ni.

Hmasawonna hi hmuiah a aawm lova, chhungril ngaihtuahna a taka chantir tura hlenchhuahnaah a aawm zawk a ni. Aawm hmuna ngaihtuahna tha deuh deuh neih aichuan mahni remhriat ang anga thawh ve marolh marolhin hmasawonna rahbi a rap hmasa zawk thin.

Branch YMA Office Bearer		
President Pu HD Daniala 9863212083	Secretary Pu Lalremsiama Varte 9862327112	Treasurer Pu David lalrosanga 9436158962
Vice President Pu S. Lalthangliana 8787326114	Assistant Secretary Pu Lalnunhlua 9366270802	Financial Secretary Pu Rotlingpuia 9862385193

K o h h r a n H u a n g

PRESBYTERIAN CHURCH

Presbyterian Kohhran

Chawhma lamah Sunday School neih a ni anga, chawhnu leh zan lamah Sermon inkhawm an nei leh ang.

KTP, Kolasib Vengthar Pastor Bialte chuan ‘I Pathian tawk turin inpeih rawh (Amosa 4:12)’ tih thupuia hmangin ni 24 January, 2020 (Zirtawpni) zan a tang khan Kolasib Vengthar Kohhran Biak Inah Bial Conference an nei a. A tan zanah member inlawmna leh Branch hrang hrang leh Bial KTP report-te ngaihthlak niin nimin lamah ‘Rorel leh Hruaitu thlanna’ neih a ni a. Vawiin chawhma inkhawmah conference thupui ngaihthlak a ni ang a. Chawhnu leh zanah pawh inkhawm hi chhunzawm a ni ang.

Tin, vawiin tlaiah leh zan inkhawm banah Fellowship hman a ni ang a. Zan fellowship-ah hian ‘Overage thlahna’ hun an hmang dawn baw a ni.

UPC (NEI) Kohhran

Chawhma lamah Sunday School neih a ni anga, chawhnu leh zan lamah Sermon inkhawm an nei leh ang.

Ni 24 January, 2020 (Zirtawpni) zan a tang khan Thingdawl Venglai Kohhran Biak Inah ‘Tunlai thil awmzia’ tih thupui a neiin Diakkawn Pastor Bial PYD Conference an hmang a.

Zirtawpni zan khan intihsiakna an nei a. Vawiin lam hian Sermon inkhawm a awm ang. Inkhawmpui hi zanah a tiak ang.

UPC (Mizoram) Kohhran

Ni 24 January, 2020 (Zirtawpni) zan a tang khan Thingdawl Diakkawn Pastor Bial Mission Department Inkhawmpui an nei a.

Zirtawp zan khan Intihsiakna leh Tualchhung Kohhran tin report neih a ni a. Vawiin lamah Sermon Inkhawm neih tur niin chawhma inkhawm-ah hian bialtu Pastor-in hun a hmang dawn a ni. Chawhnu lamah bial PYD Secretary-in hun hmang lehin zanah President-in a hmang baw ang. Inkhawmpui hi zanin ah a tiak ang.

CYMA hmalakna

17.1.2020 : Vantawng Group YMA leh NYK tangdun buatsaihin Thenzawl Bazar Vengah Faina, Hriselna leh Zirna thupuia hmangin Seminar neih a ni a. Dr. Malsawmliana, Asst. Secy; Pu Lalsawma Ralte, CEC; Pu H.F. Lalrinpuia, CEC leh Pu Lalmuankima Sailo, Vigilance Sub-Committee Asst. Secy ten an hmanpui.

21.1.2020 : DC Conference Hall-ah Special Summary Revision of Electoral Rolls chungchang meeting neih a ni a. Dr. Malsawmliana, Asst. Secretary a tel.

21.1.2020 : Secretariat Conference Hall-ah ‘State Level Sub-Committee on Fire Prevention Meeting’ neih a ni a. Prof. Lalnuntluanga, Gen. Secy a tel.

23.1.2020 : S. Pillai, Governor of Mizoram chuan Central YMA OB-te lengah sawmin Raj Bhawan-ah an inkawm a. YMA-te chu Ruihhlo Do chhunzawm leh tur leh Mizoram HIV/ AIDS hluar zel venna kawnga hma la turin a lo ngen a. Central YMA OB-te hian Governor hi Mizotawng 8th Scheduled-a telh a nih theih nana hmalak pui turin an ngen ve baw. Hetah hian Central YMA OB-te an tel kim.

- MZI hruaitute Central YMA Office-ah an leng a. Pu Vanlalruata, President; Pu Fabian Lalfakawma, Treasurer leh Pu Roneihthanga, Fin. Secretary ten an lo dawngsawng a. MZI Ruby Jubilee atana thawhhona chungchang an sawiho.

Kumpuan hawng

Ni 24 January, 2020 (Zirtawpni) zan khan Central YMA chuan Vanapa hall-ah Kumpuan hawnna an nei a. Pu Vanlalruata, President-in kaihruiin, Er. Lalrinmawia Kumpuan Secretary-in hunserh a hmang a. Tv. Lalmachhuana, Vice President, Kumpuan Sub-Committee Chairman ni bawkin thusawina hun hmangin kumpuan hawnna a nei nghal baw a ni.

He hunah hian branch aiawh mi thahnem tak kalin, Bethlehem Vengthlang Branch Zaipawl leh NI. Esthei te’n kalkhawmte zaiin an awi a. Tuikual South Branch-te’n Reception & Ushering hna thawkin Venghlui Branch-in ei leh in an buaipui a ni.

Thu ziaak Huang

To Mawl Tawp Suh; Rah Chhuak Rawh !!!

- Lalrinawma, Saiha

Troy flim a Achilles-a'n Thessolonian palian a beih dawn a naupangtein Achilles-a hnena khan, "Saw tiang ang palian leh rothap lutuk chu keini ila ka bei miah lo ang," ati anih kha!! Achilles-a chuan, "Chuvang alawm tuman i hming an hriat reng dawn loh," tiin a chhang a.

Ani reng asin, mihringte hi to mawl tawp a, rahchhuak lo nun chu an chau a, a ngui a, a hmel hmai a chhia in a rimchhe mai thin. Mihring chapo leh induh, inla vei, inhmuam up tlat thinte hringnun hi chhut keuh keuh la, an hlim tak tak miahlo nia.

Retheite pawh nise midangte tana a par rimtuina theh chhuah ui lotu nun chu a hlim a, a zalen a, tha thona leh phuma in a khat liam thin zawng a nih hi.

Bible-ah Lal Isua'n Theipui a hauh hlum thu kan hmu. Hei hian to mawl tawp tur kan nih lohzia a ti chiang viau a ni. Mihringte hi kan tangkai dan leh kan thawh hlawk zawng te, kan phur zawng leh kan chak zawng chu a dang a ni thei e. Mahse, midangte tana kan inpekna leh kan inphalna a san zawh poh leh keimahniah hlimna chhiar sen loh a ruk lang si hian a lo lut heuh heuh nia maw le.

Khawtlang leh Kohhrana kan inhman dan te, kan inpekna te chu a inang tak tak lo ang. A chhan chu kan hun neih dan te, kan peih zawngte leh kan phurpui zawngte a inan loh vang a ni chawk. Chuti chung chuan inla hranga mahni lum a lum a, to mawl tawp tur erawh kan ni lo.

Thingkung hi en ila, a rah tamna zar apiang a kur hniam thin. Midangte tana rah chhuak thinte hi chik chin teh. Mi chapo, mi induh leh inla tak hi an vang pharh nia maw le!! Mite tana rahchhuak thinte hi pantu leh bawrtu an tlachham ngailo tih i hriat kha.

Mite angin kan tangkai lo pawh a ni thei e; mahse, tangkai theihna mual mual chu kan nei vek, chu erawh a inchen kher lo ang. Midangte tana malsawmna kan ni theilo anih paw'n midangte tan hnawksak ni lo ila, chu pawh chu thil tha pakhat a lo ni reng asin!!

To mawl tawp lo la, rah chhuak la, l par rim tuina leh rahte chu midangte tan malsawmna lo ni mawlh teh se. Rah chhuak lo a to mawl tawp ai chuan rah chhuah a midangte tana ral raih thak a hlu zawk fe!!!

Section Hruaitu thlanna nei

Khuangpuilam branch YMA hnuaia Section YMA din hrang hrangte chuan ni 23 January, 2020 (Ningani) zan khan hruaitu tur thlanna an nei a. Chawngbawl section-te'n Pu Lalhluna inah neiin member an kal a. Vanapa section-te'n Pu R. Laruatkima inah neiin member 10 an kal a. Khuangchera section-te'n BNRGSK hall-ah neiin member 28-in vote an thlak a ni. Branch O.B./Branch represent-te'n inthlanna hi an neihpui a ni.

Section hrang hrang hruaitu thlan tharte leh Branch represent-te chu :

Chawngbawla Section :

- Leader : Pu F. Lalbiaksanga
- Asst. Leader : Pu C. Vanlaluatkima
- Secretary : Tv. R. Lalnuntluanga
- Asst. Secy : Pu Samuel Vanlalremruata
- Treasurer : Pu B. Ramdinlana
- Fin. Secretary : Pu Lalsiamkima
- Branch Represent : Pu HD Daniala
- Pu F. Lalnunhlua

Ni 24 January, 2020 (Zirtawpni) zan khan Pu Rotlingpuia inah charge inhlanna an nei a ni.

Vanapa Section :

- Leader : Pu Lalchuaailova
- Asst. Leader : Pu Lalhmunmawia
- Secretary : Tv. Lallawmzuala
- Asst. Secy : Tv. Mangminluna
- Treasurer : Pu R. Lalrinsanga
- Fin. Secretary : Pu David Lalchhandama
- Branch Represent : Pu Lalremsiama Varte
- Pu Rotlingpuia

Khuangchera Section :

- Leader : Pu Lalramzauva
- Asst. Leader : Pu HD Vanlalhriata
- Secretary : Pu Zachungnunga Hrahse
- Asst. Secy : Tv. Lalrinsanga
- Treasurer : Nl. Vivian Lalrinpuui
- Fin. Secretary : Pu RVL Malsawma
- Branch Represent : Pu S. Lalthangliana
- Pu David Lalrosanga

(Hruaitu thlan thar zawng zawngte khawtlang hmasawmna tura in theihna leh thiamna hmang turin duhsakna kan hlan e.)

(Phek 1-na chhunzawmna)

- hruaitute tan 'Leadership cum Accounts Training' neih tha tih a ni a. Training neih hun leh hmun tur, Training petu tur chu Branch O.B-te ruahman tan dah a ni.
- 6. YMA bungraw dahna in sak tha tih a ni a. A tul anga hma laa, a bawhzui zel dan tur chu Branch O.B-te kutah dah a ni.
- 7. Chhiatni Thatni inkaihhruaina kan hmanlai mekah siam that ngai a awm leh awm loh zirchianga, BEC thutkhawm leh hmasa bera ngaihtuah tura hma lo la turin Branch O.B ruat an ni.
- 8. Section inkaihhruaina kan hmanlai mekah siam that ngai a awm leh awm loh zirchiang a, BEC thutkhawm leh hmasa bera ngaihtuah tura hma lo la turin Branch O.B ruat an ni.

(Phek 4-na chhunzawmna)

- tharna leh zirlaite hmasawmna turin hma a la ang.
- 4. National leh State programme pawimawh bik a nih loh chuan vantlang/sorkar thiltihah an zirna tibuai thei zawnga zirlaite an tel tam loh nan a tul angin hma a la ang.
- 5. Zirna in hma a sawn theih nan a tul angin sorkar leh pawl dangte nena thawhho dan a dap thin ang.
- 6. Mizoram hmun hrang hrangah skill development training a remchan anga buatsaih a nih theih nan, sorkar leh pawl dang nen hmalakho dan a ngaihtuah ang.
- 7. Career guidance/awareness uar taka kalpuuin, state chhungah a tam thei ang ber Career Guidance Centre din a nih theih dan kawng a zawng ang.
- 8. All India Service/Central Service/Staff Selection Commission leh a dangte-ah a tam thei ang ber luh a nih theih nan hma a la ang.
- 9. Kumpuan bawhzui tha lawmman Group leh Branch YMA te tan a buatsaih ang.
- 10. YMA General Conference leh Rorel Inkhawmah Zirna Uar hi thupui atan hman nise.
- 11. Heta tarlan bakah hian a tul angin kumpuan tihhlawhtlin nan hma a la ang a, Branch YMA tih tur tarlante hi a remchan dan ang zelin a bawhzui ang.

Zirlai bu hi thiam tura kawng kawh hmuhtu a ni a, thiamna tak tak chu a zirtu mihringah a awm thin.

2019-2021 YMA Kumpuan 'ZIRNA UAR' Kaihruaina

Kum 2019-a YMA General Conference vawi 72-na chuan kum 2019-2021 chhunga YMA Kumpuan thupui atan 'ZIRNA UAR' tih a thlang a. Zirna uar tih hi kum 1996 leh 1997 khan YMA kumpuan atan hman a lo ni tawh a. He zirna uar tih hian a tum ber chu zirna kawng hrang hranga Mizo faten hma kan sawn theih nana hmalak a ni.

Zirna hi hlawm lian tak pahnihah a then theih a, zirna pangngai (*formal education*) leh remchan dan anga zir (*Non formal/informal education*)-te a ni. Hengte hi YMA kumpuan hian a huam vek a. Zirnain a tum ber chu hriatna tih zau, kawng hrang hranga mi hman tlaka buatsaih leh mahni kut kea ding thei tura inchher puitlin hi a ni ber awm e.

BRANCH YMA TIIH TURTE :

Kumpuan bawhzui turin Kumpuan Committee a din ang a, kumpuan pual inkhawm buatsaihin, he inkhawmah hian zirlaite kokim taka an tel theih nan hma a la ang. Ahnuaia tarlante tihlawhtling turin theihtawp chhuahin hma a la ang.

I. Zirna hmasawn nana hmathlir leh ruahmanna :

1. Zirna kawnga khawtlangin hma a sawn theih nan mi bik, pawl leh vengchhung zirna ina thawktute nen inrawn khawmin, thawhho dan kawng a zawng ang.
2. Kum khatah Branch huam chhunga zirna inte a tam thei anga tlawh chhuakin, kumpuan zirtirna te a nei ang a, an dinhmun a zirchiang ang.
3. Zirlaite entawn tlaka zirtirtuten nungchang tha an neih theih nan leh an hnathawhna hmunah thahnem-ngai taka an thawh ngei theih nan hma a la ang.
4. Vengchhung zirna in tlabal leh zirna ina thawktute mamawh puhru turin a theih dan angin hma a la ang.

II. Zirlaite hmakhua leh hmasawn nana hmalak :

1. Zirna boruak tha zirlaite'n an neih theih nan, zirlaite tibuai thei ang programme siam loh thin nise. Zirlaite zan lama tei rawlai mai mai an awm loh nan leh zing lama an thawh hma theih nan a tul angin hma a la ang.
2. Zu leh ruihhlo laka zirlaite an fihlim theih nan hma lain, zirna in bul hnaiah zuk leh hmuam, ruih theih thil zuar an awm loh nan hma a la ang.
3. Zirlaite dawm kang turin a tul angin zir bingna (*Remedial class/ tuition class*) a buatsaih thin ang.
4. Ziak leh chhiar thiam rual, thiam loten an thiam theih nan hma a la ang.
5. Naupang sikul kai rualin sikul an kai vek theih nan hmalak nise, harsatna avanga sikul lut thei lote chu an kal theihna tur theih angin ngaihtuhsak nise.
6. Zirna lama mi bik (talent nei tha) zir zelna atana sum leh pai lama harsatna neite chhawm dawlna kawngah hmalak nise.
7. Zirlai ten lehkha chhiar an uar deuh deuh theih nan YMA Library awm sate tihchangtlun a, a la nei loten an neih ngei nan hmalak nise.
8. Zirlaite'n tum fel tak nen lehkha an zir theih nan, an kalna awm kawng kawhbmuhna (*Career awareness*) a remchan dan anga buatsaih thin nise.
9. Zirlai nawlpuiin eizawna tlak thiamna an neih theih nan zirna tluang tlam piah lamah (*Co Curricular Activities*) hmalak a, tan lak thar nise.
10. Taima leh thahnemngai taka hlawhtling ngei tura zirlaite'n zirna an kalpui theih nan infuihna a nei thin ang.

III. Ram leh hnam tana zirna kalpui :

1. Ram leh hnam hmakhua thlir chung a thahnem ngai taka zir tura infuih a, zonun zemawi chawisang a, Mizo tawng hmang uar leh hmang dik tura infuih thin nise.
2. Khua leh tui tha ni tura inzirtir a, vantlang tana thiltha tih kawngah tan la zel tura infuih fo nise.
3. Zirna lama tihtate leh zirtirtu thate chawimawi a, lawmman siamsak thin nise.

4. Eizawna kawng hrang hrang leh chenhona atana kan mamawhte, a taka inzirtirna a tam thei ang bera buatsaih nise.

5. Lehkha zirna pangngai/tluang tlam bakah a tui mite tan kut themthiamna lam kawhbmuh turin a remchan angin hma a la ang.

6. Zirna bulanna hi chhungkua a nih avangin nu leh pate'n chhungkua uap lum tam tura infuih thin nise.

7. All India Service leh Central Service-ah a tam thei ang ber lut tura infuih a, central sorkar hnuaia hna awm leh hna dangah pawh a tam thei ang ber lut tura infuih thin nise.

8. YMA DAY-ah 'ZIRNA UAR' thupuaia hmangin programme a siam ang a, kum tin September thlaral hmain Central YMA-ah report a pe ang.

9. Heta tarlan bakah hian a tul angin kumpuan tihlawhtlin nan hma a la ang.


GROUP YMA TIIH TURTE:

1. Branch YMA tihtur tarlante hi a remchan dan ang zelin Group YMA in a bawhzui ang.
2. Group YMA huamchhungah a remchan angin kumpuan zirhona a buatsaih ang a, Group YMA hnuaia Branch YMA te tan kumpuan bawhzui tha lawmman a buatsaih thin ang.
3. Group YMA Conference emaw Rorel Inkhawmah emaw Zirna Uar hi thupuaia neih nise.
4. Group YMA huamchhunga zirna in awmte, a remchan danin Group YMA hruaitu ten tlawhchhuah ni se.
5. Heta tarlan bakah hian a tul angin kumpuan tihlawhtlin nan hma a la ang.

SUB HEADQUARTERS YMA TIIH TURTE:

1. Branch YMA tih tur tarlante hi a remchan dan ang zelin Sub Headquarters YMA in a bawhzui ang.
2. Sub Headquarters YMA huamchhungah a remchan angin kumpuan zirhona a buatsaih ang.
3. Sub Headquarters Conference emaw Rorel Inkhawmah emaw Zirna Uar hi thupuaia neih thin tur a ni.
4. Heta tarlan bakah hian a tul angin kumpuan tihlawhtlin nan hma a la ang.

CENTRAL YMA TIIH TURTE :

1. Kumpuan hawna inkhawm a buatsaih ang a, kumpuan hlawhtlin nan rampumah awareness campaign uar takin a nei thin ang.
2. A bulthum atanga zirna a kal fuh theih nan hetiang hian target group neiin hma a la ang.
 - i) Pre School Group
 - ii) Elementary Group
 - iii) Secondary School Group
 - iv) Higher secondary School Group
 - v) College leh University Group
3. A remchan dan angin social media/print media/electronic media kaltlangin zirna uar thupuaia hmangin inzirtirna /infuih- ( Phek 3-na)